



KEMENTERIAN PEMBANGUNAN
USAHAWAN DAN KOPERASI
MINISTRY OF ENTREPRENEUR DEVELOPMENT AND COOPERATIVES

KENYATAAN MEDIA

MEDAC PERUNTUK RM230 JUTA BAGI PELAKSANAAN PRODUK BAHARU PEMBIAYAAN TABUNG MODAL PUSINGAN SURUHANJAYA KOPERASI MALAYSIA

PUTRAJAYA, 25 Julai 2021 – Kementerian Pembangunan Usahawan dan Koperasi (MEDAC) menerusi Suruhanjaya Koperasi Malaysia (SKM) memperuntukkan RM230 juta bagi pelaksanaan produk-produk baharu Tabung Modal Pusingan Suruhanjaya Koperasi Malaysia (TMPSKM).

Sebanyak 14, 629 koperasi dengan keahlian seramai hampir 6.5 juta orang bakal menerima manfaat daripada pelaksanaan produk-produk baharu ini. Lima (5) produk yang dicadangkan untuk dilaksanakan dalam usaha meningkatkan promosi pembiayaan TMPSKM adalah Pembiayaan Koperasi Mikro atau *Micro Coop Financing* (MicCoopFi-1), Pembiayaan Lestari atau *Lestari Financing* (LesFi-1), Pembiayaan Permulaan atau *Startup Financing* (SuFi-1), Pembiayaan 100 Koperasi Terbaik atau *Best 100 Financing* (Best100Fi-1) dan Pembiayaan Pembayar Yang Baik atau *Good Paymaster Financing* (GPMFi-1)

Kelima-lima produk berkenaan diperkenalkan sempena Sambutan Hari Koperasi Negara yang bertemakan *Rebuild Better Together* pada 24 Julai baru-baru ini. Pelaksanaan produk baharu ini adalah mengikut sasaran koperasi yang berbeza dengan merujuk kepada tujuan seperti berikut di mana Pembiayaan Koperasi Mikro atau Micro Coop Financing (MicCoopFi-1) menyediakan kemudahan pembiayaan mudah kepada koperasi bagi kluster Mikro (perolehan tahunan kurang dari RM200,000) untuk menjalankan aktiviti baharu atau modal pusingan bagi aktiviti sedia ada.

Menurut Dato Sri Dr. Haji Wan Junaidi Tuanku Jaafar, Menteri Pembangunan Usahawan dan Koperasi, pelancaran produk-produk baharu ini diharapkan dapat membantu koperasi dalam membiayai projek-projek berdaya maju daripada kluster

mikro sehinggalah kluster besar mendapat manfaat daripada dana TMP SKM yang disediakan oleh Kerajaan.

“MEDAC sentiasa prihatin dalam memastikan ekosistem sektor koperasi negara sentiasa konsisten dan dalam masa yang sama membantu meringankan beban kewangan koperasi yang terjejas” tambah beliau lagi.

Pembiayaan Lestari atau *Lestari Financing* (LesFi-1) menyediakan kemudahan pembiayaan dalam bentuk modal pusingan bagi koperasi yang telah terpilih di bawah Program Desa Lestari di bawah Kementerian Pembangunan Luar Bandar (KPLB);

Pembiayaan Permulaan atau *Startup Financing* (SuFi-1) menyediakan kemudahan pembiayaan kepada koperasi baru bagi membiayai projek yang berpotensi atau berdaya maju;

Pembiayaan 100 Koperasi Terbaik atau *Best 100 Financing* (Best100Fi-1) menyediakan kemudahan atau insentif pembiayaan kepada 100 Koperasi Terbaik Tahun 2020; dan

Pembiayaan Pembayar Yang Baik atau *Good Paymaster Financing* (GPMFi-1) bertujuan menyediakan insentif pembiayaan kepada koperasi yang mempunyai rekod pembiayaan yang baik dengan pihak SKM.

Bil	Nama Produk	Sasaran Output	Jangkaan Outcome
1.	Pembiayaan Koperasi Mikro atau <i>Micro Coop Financing</i> (MicCoopFi-1)	Menyediakan pembiayaan kepada 50 buah koperasi dengan had maksimum RM100,000 * <i>Terbuka kepada koperasi kluster mikro dengan perolehan tahunan kurang dari RM200,000</i>	*Menyediakan ekosistem yang lebih kondusif kepada koperasi kluster mikro
2.	Pembiayaan Lestari atau <i>Lestari Financing</i> (LesFi-1)	Menyediakan pembiayaan kepada 106 buah koperasi yang tersenarai dalam Program Desa Lestari	*Meningkatkan peluang koperasi yang terpilih di bawah Program Desa Lestari untuk menampung dana dalaman projek

3.	Pembiayaan Permulaan atau <i>Startup Financing</i> (SuFi-1)	Menyediakan akses pembiayaan kepada 936 buah koperasi yang baru didaftarkan (sehingga 31 Disember 2020)	*Meningkatkan keyakinan anggota untuk menyumbang ke arah pelaksanaan projek baru
4.	Pembiayaan 100 Koperasi Terbaik atau <i>Best 100 Financing</i> (Best100Fi-1)	Menyediakan insentif pembiayaan kepada 100 Koperasi Terbaik yang disenaraikan dalam Profil 100 Koperasi Terbaik.	*Mewujudkan persaingan sihat dalam gerakan untuk berlumba-lumba bagi disenaraikan dalam Profil 100 koperasi terbaik di mana secara tak langsung akan meningkatkan perolehan dalam gerakan koperasi
5.	Pembiayaan Pembayar Yang Baik Good Paymaster Financing (GPMFi-1)	Sasaran permohonan adalah sebanyak 170 buah koperasi yang memenuhi kelayakan di bawah kategori pembiayaan ini (berdasarkan rekod di BPKK).	*Memberikan lebih penghargaan kepada koperasi yang menunjukkan komitmen yang tinggi terhadap pembiayaan yang diperolehi

MEDAC dan SKM akan terus komited dalam membantu menyediakan kemudahan khidmat nasihat dan bantuan perundingan secara berterusan kepada koperasi-koperasi menerusi talian/e-mel seperti berikut:

- **MEDAC (Pusat Sehenti Keusahawanan) :**
Hotline 1-300-88-1020 / korporat@medac.gov.my
- **Suruhanjaya Koperasi Malaysia (SKM) :**
Hotline 011-14736471

KEMENTERIAN PEMBANGUNAN USAHAWAN DAN KOPERASI